



UNIVERSITÄTS-  
BIBLIOTHEK  
PADERBORN

**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 24. Sacerdotis Hispani donum miraculo insigne.

---

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

cuiusquam preces de proposito eam deducere potuerunt, adeo rara in eius mente insidebat religio Lauretanę Domus. Tandem igitur animo rite expiato, cœlestique dape refecto, sacroſanctam cellam ingreditur. Creuerat pietatis ardor, vt fit, iniecta mora. Ergo B. Mariæ viſendæ, ſalutandæque ſtudio accenſa procidit ſupplex: ibique impenſis precibus plures abſumpſit horas. Neque id ſemel fecit, ſed toto triduo, tandiu enim Laureti ſubſtitit. Quo quidem tempore adeo erat in templo aſſidua, ſacrifque intenta officijs; vt eam in templo habitare crederes. His pietatis indicijs par munificentia reſpondit. Sub di- gressum pueros cum donis regalis opulentia misit in tem- plum. Altarium, ſacerdotis, ministrorumque ſolenni ritu operantium vefteſ inter dona erant, auro, argentoque trifaria in crifante, mirabili opere, artificioque perfe- ctæ: ſuper hæc arę toralia, & materia, & opere maxime inſignia. Quippe totum pene eorum ſpatium occupant Prophetarum, Sibyllarum, Apoſtolorum, Euangeliſtarum im- ages egregiæ, ſcite inſertæ ramuſculis, floribusque. Opus autem vniuersum acu mira prorsus arte depictedum, affirmare auſim, vix quicquam in eo genere artificiosius, preciosius, admirabilius vſpiam factum. ſatis conſtat eius manu preciu m ad octo aureorum millia perueniſſe. Exi- mia ſacrorum calicu m veſmenta, aliaque generiſ eiuf- dem in doni cumulum accessere.

*Sacerdotis Hispani teſtimoniu m, & do-  
num miraculo inſigne.*

*Cap. XXIV.*

**P**er eadem tempora Alfonsus Sancius Hispanus ſacerdos doctus iuxta, piusque Lauretu m venit, recens ab ultimo oriente, inſulisque Sinarum, quæ Philippinæ vocan-

vocantur. Hunc egomet paulo ante Virginis cella egressum offendit loci religione attonitum. Stuporis causam familiariter quarenni mihi respondet admirabundus. Pro Deus immortalis, quid hoc tandem rei est? equidem nihil vñquam tale expertus sum in vita, nusquam reperi præsentiores Deum, adeo in hac sacro sancta Aede, vis quædam diuina meo se animo superfudit. Adiecit deinde se, & ad Vadalupæ, & ad Mōtis ferrati, aliasque nobiles in Hispania B. Virginis ædes accessisse cæterum nusquam tam præfens sensisse coeleste numen. nimur illic corticem hic medullam esse. Idem per Card. Gaetanum, cuius in comitatu venerat, cum impetrasset à Lauretano Præside, ut liceret ei in sanctiore cellæ parte per noctare totam ibi precibus, ac vigilijs noctem exegit. Ac deinde familiaribus suis affirmauit, nullam sibi in omni vita iucundiorum, beatioremque abijisse noctem. Porro cupido eum cepit augustissimam Virginis cellam munere aliquo suo ornatam relinquendi. Candidam vestem Damascenam inde usque ab Sinis aduixerat: hac loculamentum Deiparæ Virginis, & Christi Crucifixi cum sacra Aede delatam imaginem decorare constituit. Igitur sarcinator accersitur, qui explicata, dimensa que veste Damascena, negare primo ad utrumque opus fatis ibi materiae esse: inde Sancio instate, ut intentiore cura omnia dimetiretur; diu hæsitauit. Ad ultimum Damascena veste saepius in omnes partes versata, affirmare coepit, rationem ab se tandem repartam efficiendi quod vellet: sed ita, ut illa ornamenta paulo breuiora existerent, quam opus foret. Agedum igitur, inquit Sancius, & istam sequere rationem; siquid deerit, B. Maria sibi ipsa supplebit. Morem gerit ille, ac ne qua foret erroris suspicio, vetus loculamenti per istroma ad manum habebat, ad quod formam referret noui. Vestem Damascenam Sancio inspectante dissectam desert secum in officinam. Postero die prima luce attonito similis Sancium adit exclamans. enim uero B. Virginē  
in suo

in suo ornamento haud dubium miraculum perpetrasse. Nouum loculamenti peristroma, quod hesterna die breuius iusto fuerit, iam esse longius palmo. Sequitur hominem in officinam Sancius, fidem oculis suis, non illius vocibus habiturus. comperit haud vana illum attulisse. Nec quicquam excogitare ipse potuit, quæ rem miraculo eximeret. Videbat quippe Crucifixi velum, quod faciendum curauerat, iustum esse, nihilque inde detractum: & Damascena vestis erat peregrino quodam opere facta, ut fraud addentis ex nostrati, fallere gnarum talium rerum haudquaquam posset. quanquam talibus in rebus non addentis, sed detrahentis fraud timeri solet. Ad hæc ipse met Sancius, cum alijs multis adfuerat sarcinatori veste dimetienti, dissecantique: ut nihil per imprudentiam erratum esse constaret. Itaque & ab ipso, & ab alijs pro miraculo habitum: nos rem in medio relinquemus.

*Armillæ B. Virginis oblatæ sua sponte Christi  
pueri manibus inseruntur.*

Cap. XXV.

**C**aeterum illud non magis doni genere, quam euenu tu mirabile. Beatrix Gazæa matrona honestissimo cui Romano nupta erat Romæ, delicijs æque, ac diuinijs nobilis. Ea religionis ergo Lauretum venit Maio mense anno huius seculi XCIII. Confestim itaque interiorem sanctissimæ cellæ partem intrat, vbi religiosissima Lauretanæ Virginis puerum Iesum gremio tenentis effigies propius visitur, coliturque: ea est preciosissima ueste, cultuque ad magnificentiam exornata. Ibi igitur fusis ad Christum, Christique parentem precibus, Gazæam cupido cepit Virginis ora, ornatumque intentius contemplandi. Ergo obtusorem oculorum aciem causata custodem (is tū erat Papyrius N.) rogarat, ut admoto ardenti cereo, Deiparæ